

delinquentis arguatur, tunc delictum seu maleficium accipiendum sit verum: sin alia qua culpa; delictum quasi. ut ex §. 1. & 7. h. t. §. v. tit. seq. & collatione pr. infr. de obl. qua ex quasi del. nasc. cum l. filiusfam. 15. ff. de judic. patet. Item, quod etiam vera delicta, hic accipienda sint non qualiacunque, sed tantum privata, ex quibus nempe contra privatum commissu, actio soli privato compellere potest ad commodum ipsius actoris pecuniarium, qua actio dicitur civilis: vel ad vindictam, pro utilitate publica, qua actio dicitur criminalis extraordinaria, sed itidem privata: fac. l. ult. ff. de priv. del.

II. Definitio furti: tum quoad rem: tum quoad nomen.

§. 1. Furtum est contrectatio a fraudulosa b, lucri faciendi gratia, vel ipsius rei c, vel etiam usus ejus, possessionisve, quod lege naturali prohibitum est admittere.

a) quasi serum, vel ad se tractis; conjunctam habens locomotionem: si non eam, qua res alij surripitur & ad furem trahitur: tamen eam, qua res penes eundem existens, a furo aliter tractatur, habetur & usurpatur quam debet. l. possideri. 3. §. si rem apud te. 18. ff. de acq. poss. & §. 6. h. t.

b) quia sine affectu furandi furtum non fit. §. 7. h. t. Requiritur autem, ut affectus iste directus sit ad ipsam contrectationem, seu ad se-tractonem; quod sequentia verba, lucri faciendi gratia, declarant: Qui enim alio sine contrectat, is non furtum, sed pro ratione finis, delictum aliud committit. l. verum. 39. & l. qui injuria. 53. ff. de furt.

c) Hac, & sequentia, accipi possunt, tum ratione ejus cui furtum fit, tum ejus qui furtum facit. Si enim fur sit ista intentione, ut ipsam rem pleno jure sibi habeat, simpliciter ipsius & totius rei furtum facere dicetur: idque domino, si res pleno jure penes dominum fuerit: Sin alius usumfructum rei habuerit: vel bona fide eam possiderit: tunc